

12-§. Axborotni yoritib berish

70. Moliyaviy hisobot nomoddiy aktivlar uchun hamda nomoddiy aktivlarning har bir guruhiga nisbatan qabul qilingan hisob siyosatini quyidagilar haqida yoritishi kerak:

a) korxona tomonidan nomoddiy aktivlarning (alohida guruhlari bo'yicha) foydali xizmat muddatlari belgilanishi;

b) nomoddiy aktivlarning alohida guruhlari bo'yicha amortizasiya ajratmalarini hisoblash usullari;

v) korxonada mavjud bo'lgan barcha nomoddiy aktivlarning hisobot davri boshi va oxiridagi umumiy balans qiymati va jamg'arilgan amortizasiya summasi;

g) kelib tushishi, chiqib ketishi va boshqa harakatlari natijasida hisobot davri boshi va oxirida nomoddiy aktivlarning balans qiymatidagi o'zgarishlar;

d) korxonaning o'zi tomonidan yaratilgan nomoddiy aktivlarning balans qiymati.

71. Moliyaviy hisobot quyidagilarni ham ochib berishi kerak:

a) balans qiymati korxonaning moliyaviy hisobot uchun muhim hisoblangan nomoddiy aktiv tavsifi, balans qiymati va qolgan amortizasiya davri;

b) egalik qilish huquqida cheklovlar mavjud bo'lgan nomoddiy aktivlarning umumiy balans qiymati, shuningdek majburiyatlar bo'yicha kafolat sifatida berilgan nomoddiy aktivlarning umumiy qiymati;

v) amortizasiya hisoblanmaydigan nomoddiy aktivlar tavsifi va balans qiymati hamda amortizasiya hisoblanmasligi sabablari.

72. Korxona quyidagilarni qisqacha ochib berishi kerak:

a) moliyaviy hisobot tuzilishi sanasiga nomoddiy aktiv deb tan olinish mezonlariga javob beradigan, biroq avvalgi hisobot davrida xarajat sifatida tan olingan ahamiyatli nomoddiy moddalar;

b) kelgusida iqtisodiy naf olinishi kutilayotgan nomoddiy aktivlarni yaratish yoki yaxshilashga yo'naltirilgan faoliyat turlari;

73. Navbatdagi ma'lumot nomoddiy aktivlar moddalarini qayta baholangan qiymatini aks ettirishda yoritib berishi lozim:

a) joriy qiymat aniqlangan asos;

b) qayta baholashning haqiqatdagi sanasi;

v) nomoddiy aktivlar guruhlaridagi aktivlarning joriy qiymatini to'g'ri aniqlash mumkin bo'lmaganlarining balans qiymati hamda sabablari.

O'zbekiston Respublikasi Moliya vazirligining 2009 yil 21 yanvardagi 7-son (ro'yxat raqami 1485-1, 2009 yil 14 fevral), 2013 yil 17 maydagi 51-son (ro'yxat raqami 1485-2, 2013 yil 22 may), 2016 yil 5 sentyabrdagi 66-son (ro'yxat raqami 1485-3, 2016 yil 9 sentyabr), 2017 yil 12 iyundagi 74-son (ro'yxat raqami 1485-4, 2017 yil 16 iyun) buyruqlari bilan kiritilgan o'zgartirish va qo'shimchalar bilan.